




ՄԱՅՐ ՍՅՈՒԻ ՍԱՐԿԱՎԱԳՆԵՐԻ ՏՈՒՆԸ

Դեկտեմբերի 24-ին, երեքշաբթի օր, եկեղեցական շքով և հանդիսավայրում, Մայր Աթոռում նշվեց նախավկա և առաջին մարտիրոս Ս. Ստեփանոս սարկավագի տոնը:

Ս. Ստեփանոսի տոնը Մայր Աթոռում միաժամանակ տոնն է Հոգևոր Ճեմարանի սարկավագների և ուսանողության:

Այս տարի էլ Ս. Ստեփանոսի տոնը ավելի կազմակերպված և հանդիսավոր կերպով անցկացնելու համար, Մայր Աթոռի սարկավագների ժողովը զբաղվեց նախապատրաստական աշխատանքներով: Օրվա տոնի հանդիսություններին որպես բուրվառակիր ընտրվեցին Հոգևոր Ճեմարանի փոխ-տեսուչ հոգեշնորհ Տ. Մեսրոպ վարդապետ Անթաթյանը և Մայր Տաճարի փոխ-լուսարարապետ հոգեշնորհ Տ. Սղիշե վարդապետ Սարգսյանը:

Հոգևոր Ճեմարանի վերատեսուչ գերաշնորհ Տ. Հայկազուն սրբազանը հրավիրվեց սարկավագների ժողովի կողմից պատարագելու Ս. Ստեփանոսի տոնին:

Աջակողմյան և ձախակողմյան դասերի դասապետներ ընտրվեցին բարեշնորհ Խորեն և Ժիրայր սարկավագները: Ըստ հարմարության սարկավագները իրենց միջև բաժանեցին օրվա տոնի առիթով երգվելիք օրհնության՝ «Նահատակ բարի Քրիստոսի» և հարցի՝ «Ընդ երկնային հոգեղինաց դասքն» շարականների մեներգները:

Դեկտեմբերի 23-ին, երկուշաբթի օր, երեկոյան ժամը 5-ին, Մայր Տաճարում ժամերգությունից հետո կատարվեց Ս. Ստեփանոսի նախատոնակը: Հանդիսավոր արարողության մասնակցում էին ամբողջ միաբանությունը և Հոգևոր Ճեմարանի ուսանողությունը: Մայր Աթոռի սարկավագները, Մայր Տաճարի կա-

մարների տակ, վեհ ու հանդիսավոր կերպով ոգեկոչեցին հիշատակը Ս. Ստեփանոսի՝ հոգեթուլ շարականների երգեցողությամբ:

Դեկտեմբերի 24-ին, առավոտյան ժամը 8-ին, սկսվեց հանդիսավոր ժամերգությունը: Դասերում կանգնած դեմ առ դեմ, խանդավառ և տպավորիչ երգում են «Աշխարհ ամենայն»-ը նոր և ծանր եղանակով, կանոնադրված՝ «Իւր սարօքն»:

Մայր Տաճարում ներկա են ամբողջ միաբանությունը, Ճեմարանի դասախոսական կազմը, վանքի պաշտոնեությունը:

Իջման Ս. Սեղանի առաջ վեհափառ Հայրապետը, շրջապատված Մայր Աթոռի միաբանությամբ, նախագահում է եկեղեցական հանդիսությունը:

Շարականները, մեղեդիները այսօր էլ կատարվում են հաջողությամբ և ապրումով: Հանդիսավոր, վեհ ու ջերմ հնչում է «Այսօր դասք»-ը և բոլորի մտածման առաջ կենդանանում, պայծառանում է քրիստոնեական կրոնի աննկուն մարտիրոսի և առաջին նախասարկավագ Ստեփանոսի պայծառ դեմքը:

«Փառք ի բարձունս»-ից առաջ սարկավագները Մայր Տաճարի հարավային ավանդատնից դուրս են գալիս գույգ-գույգ, բուրվառ և խնկի տապանակի ձեռքին, սաղավարտ ի գլուխ և ըստ ավագության շարվում Իջման Ս. Սեղանի առաջ: Հուզիչ է պահը և տեսարանը՝ գրավիչ: Մանր և հանդիսավոր երգվում է հրեշտակների փառաբանությունը՝ «Փառք ի բարձունս Աստուծոյ»: Վեհափառ Հայրապետի «Փառք, պատիւ մաղթանքի հետ, երեք անգամ հնչում է արծաթյա բուրվառների զվարթ մեղեդին՝ խնկի անուշ բուրմունքով

լցնելով Մայր Տաճարը և հավատացյալների հոգիները:


Ապա միաբերան ու դաշն կարգացվում է «Զճգնութիւն սրբոց» մեծ քարոզը, որից հետո սարկավազների խումբը երգում է «Նախասարկաւազ և առաջին մարտիրոս Ս. Ստեփանոս» Մանկունք շարականը:

Վեհափառ Հայրապետը «Քրիստոս Աստուած մեր» մաղթանքի մեջ հուզումով և ապրումով ոգեկոչում է մի անգամ ևս Ս. Ստեփանոսի հիշատակը, որպեսզի Իր սարկավազ որդիներն ու միաբանները ապրեն մեծ մարտիրոսի հոգով և օրինակով:

Ժամը 11-ին սկսվում է հանդիսավոր սուրբ պատարագը:

Օրվա մեծ տոնին ի պատիվ, պատարագի գերաշնորհ Տ. Հայկազուն սրբազանը կատարում է ճեմարանական երկու նոր սարկավազների՝ ուրարակիր Հակոբ Պողապալյանի և Վարդան Շամլյանի (Խաչաթ) սարկավազական ձեռնադրությունը:

Սուրբ պատարագի ավարտից հետո, սարկավազների ամբողջ խումբը, վարդապետների առաջնորդությամբ, բարձրանում է Վեհարան՝ ստանալու Վեհափառ Հայրապետի օրհնությունը:



ՄԱՍՐ ԱՌՈՒԻ ՍԱՐԿԱՎԱԶՆԵՐԸ Ս. ՄՏԵՓԱՆՈՍԻ ՏՈՆԻՆ. ԻԶՄԱՆ Ս. ՍԵՂԱՆԻ ԱՌԱՋ:

Առավոտյան հանդիսավոր ժամերգության վերջն է: Վեհափառ Հայրապետի դիմաց շարվել է սարկավազների խումբը՝ ստանալու համար բոլորի սիրելի Հոր օրհնությունն ու պատգամը: Վեհափառ Հայրապետը սարկավազների առաջ պատմում է գեղեցկորեն Ս. Ստեփանոսի կյանքի և գործունեության ուսանելի դաշտը, վեր է հանում ծառայության, հավատարմության և նվիրման ոգին, որ ունեն էր Ս. Ստեփանոսը, և խրատում է Իր վաժակներին՝ ծառայել իրենց համեստ պաշտոնի մեջ, Ս. Ստեփանոսի օրինակով:

Վեհափառ Հայրապետի խոսքը լսվում է մեծ ուշադրությամբ և ոգևորությամբ:

Վեհափառ Հայրապետը օրհնում է բոլորին և նվիրում է սարկավազներին մեկական գեղեցիկ, կաշեկազմ Աստվածաշունչ, այլ նվերների հետ:

Ժամը 3-ին, վանքի ընդհանուր սեղանատանը, տրվում է ճաշկերույթ ի պատիվ սարկավազների:

Ճաշին ներկա է Վեհափառ Հայրապետը, որը և օրհնում է սեղանը:

Ներկա են նաև միաբանությունը, դասախոսական կազմը և վանքի պաշտոնեությունը:

Ճաշին, առաջինը սարկավազների տոնը շնորհավորում է ճեմարանի վերատեսուչ գերաշնորհ Տ. Հայկազուն սրբազանը: Ապա շնորհավորության սրտագին խոսքեր են ա-

սում նաև գերաշնորհ Տ. Սահակ, Տ. Վարդան սրբազանները և պր. Արթուր Հատիտյանը:

Բարեշնորհ Հակոբ սարկավազ Պողոսյանը երգում է, իսկ բարեշնորհ Վարդան սարկավազ Շամլյանը կարդում է Ս. Ստեփանոսին նվիրված իր գեղեցիկ բանաստեղծությունը:

Ծաշի վերջում բարեշնորհ Սարգիս սարկավազ Բեհբուդյանը շնորհակալություն է հայտնում Վեհափառ Հայրապետին, Ճեմարանի տեսչության և միաբանության՝ սարկավազների տոնի առթիվ ցույց տրված ջերմ հոգատարության և քաջալերության համար, և խոստանում է հանուն իր ընկերների՝ նմանվել Ստեփանոս սարկավազին՝ իրենց կյանքով և աշխատանքով:

Սեղանը օրհնում է Վեհափառ Հայրապետը:

Երեկոյան ժամը 7-ին, Հոգևոր Ճեմարանի հանդիսությանց դահլիճում, ի պատիվ Ս. Ստեփանոսի տոնի, ուսանողության կողմից ներկայացվեց Միրզա Սարգիս Վանանդեցու «Մեծն Ներսես» պատմական թատերադրությունը, ղեկավարությամբ վերատեսուչ գերաշնորհ Տ. Հայկազուն սրբազանի և բեմադրությամբ բարեշնորհ Սարգիս սարկավազ Բեհբուդյանի:

Ներկայացումը, որպես առաջինը Հոգևոր Ճեմարանի պատմության մեջ, անցավ հա-

ղող, արժանանալով բոլոր ներկաների ծափերին ու գնահատությանը:

Վեհափառ Հայրապետի պահպանիչով փակվեց Ս. Ստեփանոսի տոնին նվիրված հանդիսությունը Մայր Աթոռում:

ԲԱՐԵՇՆՈՐՀ ՀԱԿՈԲ ՍԱՐԿԱՎԱԳ ՊՈՋԱՊԱՆՆԸ ծնվել է 1937 թվականին Գրըզ-խանում (Ալեքսանդրեոսի շրջան, այժմ Թուրքիա): Նախնական կրթությունն ստացել է Բեյրութում և 1951—1955 թվականներին աշակերտել է Անթիլիասի Դպրեվանքին: Երկու տարի սովորել է Բեյրութի էջրեֆիե թաղամասի կենտրոնական միջնակարգ դպրոցում և 1957 թվականի օգոստոսին ներգաղթել է և ընդունվել Հոգևոր Ճեմարանում: Սարկավազ է ձեռնադրվել դեկտեմբերի 22-ին:

ԲԱՐԵՇՆՈՐՀ ՎԱՐԴԱՆ ՍԱՐԿԱՎԱԳ ՇԱՄԼՅԱՆԸ (ԽԱՅԱԹ) ծնվել է 1930 թվականին Հալեպում: Նախնական կրթությունն ստացել է Հալեպի Մեսրոպյան վարժարանում, որն ավարտել է 1946 թվականին: Ապա զբաղվել է արհեստով, միաժամանակ պաշտոնավարելով Հայաստանյայց Առաքելական Եկեղեցու Կիրակնօրյա դպրոցում (Հալեպ):

1956 թվականին որպես ուսանող ընդունվել է Հոգևոր Ճեմարանում և սարկավազ է ձեռնադրվել դեկտեմբերի 22-ին:

